



Inatsisartuni ilaasortaq
Kristian Jeremiassen

Inuit Ataqtigiit

18-06-2021
Sags nr. 2021-11274
Akt. id. 17058358

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: isn@nanoq.gl
www.naalakkersuisut.gl

Utoqqalinersianut tunngatillugu § 37-mi apeqquutit nr. 071-2021-miittunut akissutit

Asasara Kristian Jeremiassen

Qujanaq apeqquutinut. Apeqquutit ataani ataasiakkaarlugit uteqqinneqarput, kingornanniillutik akissutitaat.

1. Utoqqalinersiallit aappai apeqquutaatinnangit utoqqalinersianik nalinginnaasunik utoqqalinersiaqalerpata aningaasat ukiumut qassit atorneqassappat?

Utoqqalinersialinnut illugiilluni pilersuinissamut pisussaaffigisap peerneqarnera 6 mio. kr.-nik akeqassaaq.

2. Siusinaartumik sulisinnaajunnaarnersiutillit aappai apeqquutaatinnangit siusinaartumik utoqqalinersiuteqalerpata nalinginnaasunik aningaasat ukiumut qassit atorneqassappat?

Siusinaartumik pensionisialinnut illugiilluni pilersuinissamut pisussaaffisap peerneqarnera 9 mio. kr.-nik akeqassaaq.

3. Naalakkersuisut pilersaarpat utoqqalinersiat aappai apeqquutaatinnangit tamakkiisumik utoqqalinersiaqalersitsinissamut?

Utoqqalinersiuteqarnerup aapparisap isertitaanut apeqquutaatinnanginnissaa Naalakkersuisut sulissutigaa.

Tamakku saniatigut assersuutigalugit toqqissimanermut utoqqaallu inuuneranni atugaannut inissiani pissutsit peqqinnissakkullu pissutsit pitsaasut pingaaruteqarput.

4. Naalakkersuisut pilersaarpat siusinaartumik sulisinnaajunnaarnersiutillit aappai apeqquutaatinnangit tamakkiisumik siusinaartumik sulisinnaajunnaarnersiutitatuutilersinniapaat?

Apeqquut 3-mut akissut takuuk.

5. Allanngortitsisoqarniarpat qaqugu atuutilissappat?



Illugiilluni pilersuinissamut pisussaaffigisaq peerneqassappat utoqqalinersialinnut aamma siusinaartumik pensionisialinnut inatsisaasup atuuttup allangortinnissaanik nassataqartitsissaaq. Piffissami matumani inatsisaasuni allannguutit annertussusissaat ilisimaneqanngillat, soorlulusooq inatsisinik suliaqarnermut, ilaatigut tusarniaanerit nalaannut atasunik najoqqutassaqaarluni. Taamaattumik piffissami matumani ulloq atuutsitsiffiulersussaq ilisimatitsissutaasinnaangilaq.

Inussiarnersumik inuulluaqqusillunga

A handwritten signature in blue ink, which appears to read 'Mimi Karlsen'.

Mimi Karlsen